


乾隆臨潼縣志

(清)史傳遠纂修



本書九卷圖一卷，據清乾隆四十一年（一七七六）刻本影印。

臨潼縣志序

臨潼之為邑最近郡



東實



郡之

也自京師使命西至陝又西而至蘭州又西而
出嘉峪涉新疆其西南則至成都達於打箭爐
以至於

定西將軍之軍營莫不喉嗑乎潼關喘息乎西
安會城而迂勞皆在臨潼自數道還走京師亦
如之乾隆丙申

王師克奏金川之捷自

定西將軍

副將軍而下軍帥數十百輩俘獲生口男婦醜
類數百千人加以星輅絡繹軍書勞牛供給傳
送臨潼實當其衝要為之令者宜其輟餐殮不
暇櫛沐而邑令史君之縣志以成當是時
大中丞畢公暨

藩諸大府方聘南中名士修西安府志余適承

之自鳳翔移守斯郡親俯仰承接於其間未嘗

不嘆賢者之用心雖處勢尊卑所及有遠近大

小至其重根本樹風聲講求地方利病作事必

求來者可法未嘗不同也史君以有本之學泣

邑數年殫心討究以成斯志頗為余言其意以

為縣當孔道皇華使者不俟輜軒之採而一邑

之休戚可以周知風俗之淳朴孝友貞廉人才

之俊傑可以表式賦役之規丁中之數可以無

濫山川之盤互形勢之阨塞可一覽而無遺至

於自古在昔女皇老子之遺踪襟陽之都鴻門

之阪新豐之社華清之宮可以資學士之憑弔

作為辭章以彰勸戒者又舊志之所能詳而不

敢略也余讀而善之豈惟史君後之繼宰斯土

者得此志而精考之亦不下堂而理矣此所以

當軍事倥偬之中而懷鉛握槊小煩費而不能

已者誠務於其本也史君為吾鄉名進士實為

主筆襄其事者補渠書院院長崑山徐君名德諒亦南中名流也因史君之請得牽連書之是為序

昔乾隆四十一年小春上澣護理陝西西安等處驛道兼巡道知西安府事軍功加五級紀錄于三次山右田錫草書於青門官署



五

德清縣志目錄

卷一

地理 建置

卷二

紀事 古蹟

卷三

祠祀 陵墓

卷四

賦役

卷五

職官

卷六

選舉

卷七

人物

卷八

藝文 藝文下

卷九

志餘

臨潼縣志圖并序

前志共一十五圖今考新豐標陽皆非當日故地名亦屬
更兩名蹟甚多未免舉一遺二故第詳原委於各冊謹擇
其要者共繪六圖於左

山川疆域十八鎮四十里總圖

縣治圖


縣署圖

學宮圖



驛山圖





華清宮圖


疆域圖



縣治圖







邑今武鄉史傳遠伯款氏

崑山徐德諒桂門氏

同閱

平湖楊應棟蒼石氏

地理建置附

臨潼唐之昭應也於漢為二縣曰新豐曰櫟陽新豐於商為麗國周驪戎秦始皇十六年置郡邑新豐於漢高帝遂定三秦都櫟陽仿豐邑城市里居營於鄜更名新豐以奉慰太上皇者也櫟陽秦獻公置秦滅項王王秦降將塞王司馬欣都之高帝既定塞地因其故都後徙長安而櫟陽

卷一

與新豐各為縣太上皇葬櫟陽北原起萬年陵因折櫟陽置萬年初仍秦屬內史武帝更內史為三輔新豐屬京兆尹櫟陽萬年屬左馮翊鴻嘉元年折新豐戲鄉置昌陵永始元年罷後漢省櫟陽入萬年移安定郡之陰盤寄理新豐晉萬年陰盤同新豐屬京兆北魏移新豐零水側省陰盤旋復折萬年置廣陽及鄜屬馮翊北漢制北周廢陰盤省萬年鄜入廣陽仍屬京兆隋復移新豐於故縣廣陽仍為萬年新豐至是凡六更名櫟陽四唐武德元年萬年復為櫟陽又折置平陵二年更粟邑貞觀八年廢新豐於垂拱二年改慶山天授二年置瀉州於零口折慶山渭南

為瀉門縣并慶山櫟陽及渭南高陵五縣隸焉尋並廢神龍元年慶山復為新豐天寶三載折新豐櫟陽置會昌縣於驪山下七年改昭應即今治而新豐於唐復五更名遂省入馬宋大中祥符八年避玉清昭應宮名改縣曰臨潼以臨潼二水分環縣左右故也而櫟陽於元至元四年亦省入臨潼明迄本朝因之屬西安府西安蓋即漢京兆也而新豐櫟陽今為縣巨鎮新豐鎮縣東二十里櫟陽鎮縣北五十里距府五十里為省東首衝驪峙渭環土厚俗朴廣袤之界星野之分形勢之勝皆得而附志焉

卷一

二

漢	麗國上古女	驪戎其君姬	鄜邑始皇十
	媽氏繼興於	姓其爵男入	六年置屬內
後漢	櫟陽秦獻公	于晉	史
	二年置自雍	徙都之安王	王都之
魏晉	秦封秦隆將	司馬欣為塞	
	十九年也		

<p>新豐故郡邑 高帝為太上 皇更名屬京 兆尹</p>	<p>標陽高帝初 都後徙都長 安遂為縣又 析置萬年為 奉陵邑屬左 馮翊</p>	<p>鴻嘉元年析 新豐置昌陵 尋罷</p>	<p>北魏 徙新豐零水 側省陰盤旋 復 析萬年置廣 陽又析置郵 屬馮翊</p>
<p>世祖燕標陽 入萬年 靈帝未移安 定郡之陰盤 縣寄理新豐</p>			<p>北周 徙新豐故縣 東南七里廢 陰盤 省萬年及郵 入廣陽仍屬 京兆</p>
<p>萬年陰盤同 新豐屬京兆</p>		<p>隋 新豐復移於 故縣 廣陽仍為萬 年</p>	

卷一

三

<p>唐 武德元年萬 年復為標陽 又析置平陵 二年更置邑 貞觀八年廢 垂拱二年改 新豐為慶山 天授二年又 析置鴻州鴻</p>		<p>門縣尋並廢 天寶三載析 置會昌七年 更昭應省新 豐入焉</p>	<p>本朝 明迄 仍元舊屬西 安府 考</p>
<p>宋 祥符八年改 昭應為臨潼 至元四年省 標陽入臨潼</p>			

卷一

四

商麗國 路史女媧氏立治於中皇山之原繼興於麗

長安志麗山有女媧治處又云藍田谷次北有女媧氏

谷三皇舊居之所即麗山也又臨潼東二十四里有故

麗城商麗國

周驪戎 竹書紀年成王三十年離戎來賓梁沈約註離

戎驪山之戎也 左傳晉伐驪戎杜註其君姬姓其爵

男 鄰道元水經註戲水北逕麗戎城東 雍勝畧驪

戎故城在臨潼縣東三十五里殷周時驪戎國

櫟陽秦獻公置 秦本紀獻公二年城櫟陽徐廣註徙都

之今萬年是也 帝王世紀秦獻公都櫟陽 括地志

卷一

櫟陽故城一名萬年城在雍州東北

秦始皇置郡邑 本紀始皇十六年魏獻地於秦置郡邑

水經註戲水自麗山北逕驪戎城東秦之郡邑矣 漢

地理志秦置內史統京畿郡櫟陽并屬焉 按路史矣

帝後姜姓之國曰戲今新豐有戲亭六國表秦厲公十

六年補戲城註戲西周邑名趙世家龐煖攻秦葭郡國

志今新豐有葭城戲葭並在新豐即秦郡邑地想置郡

邑時並入之矣

項王王秦降將司馬欣為塞王都櫟陽 本紀項王三分

關中王長史欣為塞王都櫟陽欣故為櫟陽獄掾項梁

嘗有櫟陽逮捕諶斬獄掾曹咎書抵櫟陽事得已故明

立為塞王 水經註白渠枝渠東逕櫟陽城北

漢高帝還定三秦都櫟陽 高帝紀元年五月漢王引兵

從故道出襲雍雍王走遂定雍地八月塞王欣翟王翳

皆降二年冬十月漢王如陝鎮撫關外父老十一月還

歸都櫟陽七年二月至長安見蕭何治未央宮壯麗甚

怒何曰天子以四海為家非壯麗無以重威且無今後

世有以加也上悅白櫟陽徙都之 禹貢錐指漢櫟陽

在臨潼東北七十里

析櫟陽置萬年 本紀十年七月太上皇崩櫟陽宮 帝

卷一

紀太上皇崩葬萬年 三輔黃圖高帝葬太上皇于櫟

陽北原其陵在東者太上皇西者昭靈后也因置萬年

縣于櫟陽大城內以為奉陵邑 續通典葬太上皇萬

年陵析櫟陽置萬年理櫟陽城中故櫟陽城亦名萬年

城

更郡邑曰新豐 本紀十年七月更命郡邑曰新豐 水

經註高帝王關中太上皇思東歸故象舊里制茲新邑

名曰新豐 元和志新豐故城在昭應縣東十八里漢

新豐城也 漢地理志太初元年武帝分內史為三輔

新豐屬京兆尹櫟陽萬年屬左馮翊 按本紀太上皇

崩櫟陽宮楚王梁王皆來送葬櫟陽因更命郡曰
新豐是太上皇既崩郡邑乃更名新豐耳高帝紀不載
更名新豐惟於十一年四月帝至自雒陽令豐人徙闕
中者皆復終身應劭曰太上皇思土欲歸豐高祖乃更
築城市里居如豐縣號曰新豐徙豐民以充實之師古
曰徙豐人所居即今之新豐古城是其處其說與西京
雜記水經註同太上皇老且病思歸蓋切故帝營建新
豐亟求所以慰之及新邑甫成而太上皇已崩矣于送
葬後即命更郡邑曰新豐蓋猶是營建之初意云爾
鴻嘉元年析新豐戲鄉置昌陵 帝紀成帝鴻嘉元年以

卷一

七

新豐戲鄉為昌陵縣奉初陵賜新豐百戶牛酒永始元
年罷二年冬十二月詔以常侍王闕侍中衛尉淳于長
數白昌陵宜早止賜長爵關內侯食邑千戶闕五百戶
徙將作大匠解萬年于敦煌郡 劉向傳成帝營起昌
陵數年不成向上疏極諫上甚感向言詔疏載水經註
藝文昌陵在霸城東二十里 長安志成帝於步昌亭起昌
陵 峽志註步昌亭在臨潼縣

後漢省櫟陽入萬年 水經註東漢櫟陽併入萬年 通

鑑註漢櫟陽萬年為二縣後漢始省併郡國志仍屬焉
州 按後漢郡國志凡前志有縣名今所不載者皆世

祖所併省也左馮翊有萬年無櫟陽故知為世祖所省
移安定郡之陰盤寄理新豐 水經註東漢靈帝建寧三
年改新豐為都鄉封段熲為侯國 前縣志靈帝以護
羌校尉段熲平先零羌封新豐侯食邑陰盤或曰盤侯
寰宇記靈帝未移安定郡之陰盤縣寄理新豐 按陰
盤縣隸安定郡屬涼州即今長武段熲涼州人建寧二
年平東羌封新豐侯有威望時邊郡為羌所擾并涼二
州城邑多內徙或陰盤流亡者依熲於新豐故即其地
寄理之如魏之寇讚撫秦雍人於河南郡即于洛陽立
雍州郡縣是也

卷一

八

晉萬年陰盤同新豐屬京兆 通鑑註太和四年秦王堅
攻於萬年萬年漢屬馮翊晉屬京兆 地形志陰盤漢
屬安定晉屬京兆郡馮翊門戲水皆在縣界 按陰盤於
漢祇寄理新豐故仍屬安定郡至晉乃析新豐置陰盤
縣以馮門戲水為界因改屬京兆而安定郡之陰盤自
此遂廢矣

北魏徙新豐零水側省陰盤尋復 寰宇記後魏新豐自
陰盤寄理之後移理於故城東三十里零水側 地形
志真君七年併陰盤入新豐太和十一年復 寰宇記
太和九年陰盤自新豐故城移理於今昭應東三十一

里泠水西戲水東司馬故村 通志註太和十一年移
九年移理恐有誤

析萬年置廣陽及鄆 地形志廣陽縣景明元年置 通

典宣武帝分萬年為廣陽縣 前志廣陽故城在渭河

北清沮兩河之間今為廣陽鎮 地形志太和二十二

年置鄆縣 通典後魏孝文帝分萬年置鄆縣 禹貢

雖指渭水東逕鄆縣西今縣東北有鄆縣故城 又地

形志後魏屬馮翊

北周移新豐故縣東南陰盤廢 寰宇記後魏徙新豐于

故城東三十里至周閔帝元年又徙新豐於天寶廢新

卷一

九

置縣東南七里 省志註後魏置陰盤至周廢 按廢

新豐即漢故縣至天寶改昭應而新豐廢故曰廢新豐

寰宇記蓋借以指實耳

省萬年及鄆入廣陽 通典周明帝省萬年入廣陽仍移

廣陽縣入舊萬年城即今櫟陽是 長安志仍屬馮翊

按明帝二年分長安為萬年縣並治京城故省櫟陽之

萬年併入廣陽鄆無考疑與陰盤同時並廢

隋復移新豐於故縣 寰宇記大業六年復徙新豐於天

寶中廢縣所理

廣陽仍為萬年屬京兆 省志建置表廣陽復為萬年隋

志無廣陽有萬年或大業中避諱修改耳 元和志開
皇初廣陽屬雍州 地理志京兆郡領萬年縣

唐武德元年萬年復為櫟陽 地理志櫟陽故萬年隸雍

州武德元年更名 元和志武德元年復隋萬年為櫟

陽縣

析櫟陽置平陵二年更粟邑 地理志武德元年析櫟陽

置平陵縣二年更平陵曰粟邑貞觀八年廢 長安志

粟邑廢鎮在櫟陽縣東四十里石川河東 前志櫟陽

東北有粟邑廟即平陵地

垂拱二年改新豐為慶山 武后紀垂拱二年十月有山

卷一

十

出新豐縣改新豐為慶山故因給復一年賜醵三日

地理志隋新豐縣治即古新豐城垂拱二年有山湧出

武后以為休應名曰慶山因改縣為慶山縣今昭應東

二十五里有慶山

天授二年置鴻州於零口析慶山及渭南為鴻門縣隸鴻

州 地理志天授二年置鴻州於零口析渭南慶山置

鴻門縣以渭南慶山鴻門櫟陽高陵五縣屬焉鴻門縣

尋省大足元年鴻州並廢神龍元年復慶山為新豐

天寶三載析置會昌於驪山下 地理志官在驪山貞觀

十八年置咸亨二年名溫泉宮天寶元年史驪山曰會

崑山三載以縣去宮遠折新豐高年宜會昌縣

七載改會昌為昭應省新豐 地理志六載更溫泉宮曰

華清治湯井為池環山列宮又築羅城置百司及十宅

七載省新豐入會昌更會昌縣曰昭應縣在華清宮北

寰宇記以太宗昭陵數有徵應事宰臣稱賀至七載十

二月改會昌為昭應 前志縣在驪山之陰里許唐之

昭應也

宋改昭應曰臨潼 長安志大中祥符八年避玉清昭應

官名改縣曰臨潼 按省志釋名以城西臨潼水為名

臨作活字解謂逼近潼水故前志潼水逕縣西門北流

卷一

十一

數百步合縣東之臨河入於渭省志渭水東逕臨潼縣

北十五里縣西之潼河與縣東之臨河合流入之祥符

改名以臨潼三水分流縣左右故名臨潼較釋名義尤

協

元并櫟陽入臨潼 世祖本紀至元四年省安西路櫟陽

縣入臨潼 地理志至元十六年改京兆為安西路皇

慶元年改安西路為奉元路臨潼隸焉

明迄

本朝因之屬西安府 縣治即昭應故地名仍宋明改遷

路為西安府即京兆

本朝因之

山川

驪山 縣南一里即藍田北山綿亘五十餘里其陽多三

其陰多金溫泉出焉初作麗路史女媧繼興於麗是也

周驪戎國於其下因作驪秦置鄜邑又作郡一名浮肺

山水經註零水出浮肺山蓋驪山連麓而異名也唐更

名會昌山又更昭應山東西繡嶺及峰林泉谷著名者

詳載古蹟省志驪山崇峻不如大華綿亘不如終南幽

異不如太白奇險不如龍門然而三皇傳為舊居媧聖

紀其出治周秦漢唐以來代多遊幸離宮別館既入遺

卷一

十二

綸繡嶺溫泉皆成佳境至若南阜烽臺北山石磻藥寺

蕊峯之標名翠壘香船之闢巧往蹟俱在烟鑿匪遙非

第一邑之勝觀已也

石駱駝峯 驪山西繡嶺西

磴子谷 縣西南七里

芷陽溝 縣西南五里一名芷張溝

坑儒谷 縣西南五里或曰縣西二十里有洪坑溝即坑

儒處 寰宇記始皇以驪山溫泉令人冬月種冰招天

下儒者議之人說不同因焚燬之唐明皇改為旌儒

鄉立旌儒廟賈至撰碑顏真卿書 漢書顏師古注旌

豐縣温湯之處號慈儒温湯西南三里有馬谷谷之西岸有坑相傳為坑儒處

鳳凰原 縣西南十五里 唐書地理志昭應縣有清虛原即鳳凰原 雍勝畧鳳凰原驪山別麓也後漢延光

三年鳳凰棲新豐西亭即此原

鸚鵡谷 縣西南二十里一名韓峪溝 唐書五行志武

德元年七月新豐鸚鵡谷水清傳云此水清天下平開

皇初暫清尋濁至是復清 地理志昭應縣有幽棲谷

即鸚鵡谷 張說東山記韋嗣立東山之側有別業上

聞而賞之乃命千官飲乎池上即席拜道遙公名其居

卷一

十一

曰清虛原幽棲谷 唐紀韋嗣立楨別廬于驪山鳳凰

原鸚鵡谷有重崖洞壑飛瀑水中宗臨幸改為清虛原

幽棲谷拜嗣立為道遙公

銅人原 斜口西南七里舊官道是其處即今地窰村

水經註秦始皇二十一年長秋十二見於臨洮長五大

餘以為善祥鑄金人十二以象之各重二十四萬斤立

阿房宮門謂之金狄漢徙置未央前俗謂之翁仲矣董

卓毀其九為錢其在者三魏明帝欲徙之洛陽至此重

不可勝傳之漢晉春秋或言金狄泣故昭之石虎取置

鄴宮符堅又徙之長安毀其二為錢其一未至符堅亂

百姓推置陝北河中

艾葉溝 驪山南

風王谷 縣東南五里即石甕之右澗也

牡丹溝 風王谷內或曰牡丹坡

金谷山 縣東南二十五里即驪山東麓石罅中有斧金

色以細杖入抵之則動取之不能出

走馬頰 驪山東南二十七里平坦可乘馬故名

種金原 按前志在縣東今大小金山即其處

慶山 縣東三十里 唐五行志垂拱二年十月己巳雍

州新豐縣露臺鄉大風雨震雷有山湧出高二十丈有

卷一

十四

池同三百畝池中有龍鳳之形禾麥之異武后以為休

應名曰慶山因改縣為慶山 荊州人俞文俊詣闕上

書曰臣聞天氣不和而寒暑併人氣不和而瘡疔生地

氣不和而堆阜出今陛下以女主處陽位反易剛柔故

地氣隔塞而山變為災陛下謂之慶臣以為非慶也后

覽奏大怒貶之嶺外給事中魏叔璘曰地生骨堆何足

為慶或以上聞賜死

新開山 驪山西南十五里上有靈泉禱雨輒應歲旱鄰

邑民多來取水以禱者因置太白廟於其上蓋驪山西

南麓而新開種者故俗謂之新開山

新豐原一名青原 縣東二十里 水經註零水歷新豐
陰盤兩原之間 前志西接陰盤東至零口蜿蜒三十
餘里與渭南縣接皆新豐原也

鴻門坂 縣東十七里 前志新豐南原之上西臨小河
項羽軍鴻門即此 史記索隱鴻門在新豐古城東未
至戲水道南有斷原南北洞開也 水經註新豐縣故
城東三里有坂長二里餘塹原通道南北洞開有同門
狀謂之鴻門 雍錄鹿山北十里有坂橫亘大道中鑿
隧路為門徑故曰鴻門 長安志漢舊大道北下坂口
名也即廷尉阿李廣處 雍勝畧北有鴻陂南有坂口

故曰鴻門

卷一

五

普陀原 縣北二十里即奉政原 水經註五丈渠逕焉
原東東南流注于渭按前志在渭河北岸或云即藕原
自涇陽來亘百里涇渭之不能北徙者此也

荆原 縣北八十里 前志即荆山盡處自三原縣逕
而來至富平臨潼二縣之交為漆沮水衝斷因名斷原
渭水出涇源縣鳥鼠同穴山自縣西十五里由咸寧入界
為臨潼諸水總匯南北之水咸入焉由縣東五十里入
渭南 禹貢導渭自鳥鼠同穴東過漆沮入於河水
經註渭水東逕鄠縣西又東逕白渠枝口又東與五丈

渠合又東逕新豐縣故城東與魚池水合又東逕鴻門
北又東石川水南注焉又東戲水注之又東零水入焉
省志渭水東循奉政原東南入臨潼界水碓河北流入
之又東石澗河入之又東逕縣北縣西之澧河與縣東
之臨河合流入之又東陰盤河入之又東新豐河入之
又東戲水入之又東至交口渡漆沮來會焉又東零水
入之又東至方家渡入渭南界

洪坑溝水 縣西南二十里西流南灃河入渭
韓峪溝水 縣西南十五里逕斜口西北入渭
水碓河水 縣西七里源出磴子谷

卷一

六

石澗河一名冷水河 縣西二里
飲濟泉水出驪山南谷中在縣西門外數百步與冷水合
其味甘冽與他水迥異一曰澧水或又云澧與澧同乳
汁也以甘溫名澧非以寒冽為澧也

湯泉水出驪山下即澧水 前志冬月白氣浮蒸如烟夏
日亦不加熱禽魚不敢入以浸煮豆穀不熟而灌蔬畦
則滋茂尤宜飲為浣衣勝反汁逕縣西門北流
石甕谷水即臨河逕縣東門北流折而西與澧水合

風王谷水 縣東三里

陰盤河水一名魚池水縣東十五里今名沙河 水經註

源出驪山始皇造陵取土其地汚深水積成池謂之魚池池在始皇陵東北五里周迴四里本導源東流後始皇葬山北障水使西北流逕冢北又西北逕鴻門西又逕新豐縣故城東其水際北城世謂是水為陰盤水又北絕漕渠溝注於渭

新豐河即市谷水 縣東二十里源出八里坡逕鴻門堡

西北流一名玉橋河 按魚池水下流為陰盤河市谷

水下流為新豐河長安志以陰盤魚池為兩水蓋誤以

魚池水屬新豐河故疑陰盤為別一水今循流溯源乃

和陰盤河社後樓廟西即魚池水下流新豐河在今鎮鴻

卷一

七

門坂坊西屬市谷水與魚池水無涉也

戲河 縣東三十里 水經註戲水出驪山馮公谷

東北流又北逕驪戎城東又北右絕三川逕鴻門東又

北逕戲亭東又北分為二水注于渭 顏師古註其水

出藍田北界橫嶺 兩京道里記戲水周幽王與褒姒

戲遊於此故名為戲

零水即泠水一名百丈水 縣東四十里 水經註零水

南出浮肺山北會三川統歸三壑歷陰盤新豐兩原之

間北流注於渭 前志源出渭南縣南山北西北流逕

新豐原之右又北逕雲口 以上在渭河南者共十二

水俱北流入渭

交口河即漆沮水 縣東五十五里漆水源出同官之北

高山沮水源出中部縣西北于午嶺自耀州合流為石

川河逕富平縣南荆山之陰至斷原口入縣界又南至

相橋鎮與清谷水合又南至交口渡入渭 地形志出

年縣有漆沮水 水經註沮水自絕白渠東逕萬年縣

故城北為櫟陽渠關駟曰櫟陽西有涇渭北有小河謂

此水也其水又南曲更名石川水又西南逕鄠狼城西

與白渠枝渠合 前志石川河在縣東北八十里水中

多圓石故名自富平縣流逕斷原入縣境東逕康橋受

卷一

太

葡萄酒水又折而南至相橋與清河合流西南至交口

入渭其葡萄酒發源富平之溫泉至康橋西流入漆沮

其水微溫冬月不冰中多鱉蛤 馬志交口河北經張

家村又名張家河

清谷水即清河一名五丈河 縣北五十里源出三水縣

之石門山由櫟陽西入縣界又東至相橋入于漆沮

水經註清水東南入萬年縣謂之五丈渠又逕驪原東

東南流注於渭 長安志即治谷水下流也自三原高

陵界來入白渠至縣界合渭水 前志清河在縣北自

三原界隨荆山東下至黑家橋折而南至櫟陽鎮一名

五丈河復折而東至相橋入石川河 按關中漆水有

四富平石川河一也邠州新平縣漆水二也鳳翔府普

潤縣漆水三也鄭白渠亦名沮漆四也禹貢漆沮惟石

川河正當其地導渭自鳥鼠同穴東會于澧又東會于

涇又東過漆沮入于河則自渭源以及入河所謂漆沮

者僅一見而其水行之序又在澧涇之下則自澧涇而

上名為漆沮者皆非禹世之所名也雍錄考據家確康

對山武功志以漆由富平入渭為鄭漁仲之誤不知詩

小雅吉日漆沮之從此漆在涇之東即禹貢之漆也與

古公自土徂漆在豳地者別漁仲謂由富平入渭蓋拍

禹貢之漆耳韓汝慶作朝邑志以洛為漆沮云自耀州

同官而來不知漆沮已於耀州合流東南至交口入渭

矣同州之洛相去幾二百里東西相隔邑里不一安能

合而為一乎前志謂周岐之漆沮自為一水禹貢之漆

沮其為耀州富平之石川無疑蓋綜前諸說而得之庶

可息羣論之紛紛矣

虞鹽澤 櫟陽南十五里 元和志澤多鹽鹵符秦時於

此煮鹽 前志周二十里今走馬村水多鹹或即其地

鳴犢泉 縣西北十五里 雍勝畧獨孤村有二泉東西

相隔俗云東泉一犢沒泉底牛母悲鳴其犢自西泉出

故名 按前志西泉已涸今西泉水瀾漫仍故廣數丈
至清蘊藻遊魚歷歷可數

響泉 縣西北十里泉出崖下有聲如笙簧

鼻澄泉 從緣切雨而泉 縣西南五里

石塔泉 縣東南十五里

平泉 縣東五十里

阿姑泉 縣東北二十五里

飲馬泉 縣東北三十五里

五丈河 櫟陽西南今涸

清泉陂 櫟陽西南十里多水族之利今涸

早泉 斜口東舊韋嗣立莊僅燼痕耳歲早泉水乃出水

流過官道則大旱

八角井 縣西十五里窰村

蝎蚌井 一作縣東北七里官道側有井傍有環道縈繞及

於水次

蟾井 驪山南白鹿觀 拾遺記井中有金色蝦蟇三足

賀蘭先生見之曰此肉芝也烹而食之白日飛昇

附河渠

鄭渠成而秦用富強白渠穿而民歌樂利自是以還低有

疏濬臨邑慶渠下流渭北田畝數千頃噴灌漑者俱成

卷一

九

卷一

十